



Broj: 01/1-50-1-1-64/06

Sarajevo: 31.03.2006.

Z A P I S N I K

sa 64. sjednice Ustavno - pravne komisije

Sjednica je održana 31.03.2006. godine sa početkom u 10,00 sati.

Sjednici su prisustvovali članovi Komisije:

- | | |
|-----------------------|-----------------------|
| 1. Mirsad Čeman, | 5. Petar Kunić. |
| 2. Filip Andrić, | 6. Tihomir Gligorić i |
| 3. Momčilo Novaković, | 7. Mirsad Sipović |
| 4. Beriz Belkić | |

Članovi Komisije Martin Raguž i Nijaz Duraković nisu prisustvovali sjednici iz opravdanih razloga.

U ime predlagača Predsjedništva BiH sjednici su prisustvovali Alma Čolo i Ante Grbić, u ime Vijeća ministara BiH Jusuf Halilagić i Rajka Klačar; poslanik: Mladen Potočnik; predstavnici OHR-a Maja Ribar, Andrea Šperer i Denis Gnjidić; predstavnik OSCE-a Dario Šikuljak; i Istraživačkog centra PS BiH Edin Isanović i Adnan Bešić.

Sjednici je prisustvovao sekretar Komisije Milan Zjajić i pripravnici volonteri Ivana Šupeta i Vildan Hadžihasanović.

Nakon duže rasprave u kojoj su učestvovali svi članovi Komisije i bilo više prijedloga odlučeno je da se pojedinačno glasa o uključivanju svake tačke u dnevni red. Glasanjem je utvrđen sljedeći:

D N E V N I R E D :

1. Prijedlog Amandmana na Ustav BiH, predlagač Predsjedništvo BiH;
2. Prijedlog zakona o pravima i dužnostima poslanika-delegata u PS BiH, predlagači grupa poslanika;
3. Ostala pitanja.

Dnevni red je jednoglasno usvojen.

Ad. 1. Prijedlog Amandmana na Ustav BiH, predlagač Predsjedništvo BiH;

Nakon provedene rasprave, Komisija je jednoglasno utvrdila sljedeće:

1. Amandman je 25. marta 2006. godine predložio ovlašteni predlagač, Predsjedništvo Bosne i Hercegovine, u skladu sa članom 110. Poslovnika Predstavničkog doma.
2. Postoji valjan ustavno-pravni osnov za donošenje Amandmana na Ustav Bosne i Hercegovine,
3. Ustavni osnov sadržan je u članu X Ustava Bosne i Hercegovine, kako je naveo predlagač,
4. Amandmani se u skladu sa članom 112. tačka 1. Poslovnika stavljaju u javnu raspravu. Predloženi amandmani i obrazac prijave za učešće na Završnoj javnoj raspravi mogu se dobiti radnim danom od 09,00 do 17,00 sati u Pisarnici Parlamentarne skupštine BiH, zgrada institucija Bosne i Hercegovine, Sarajevo, Trg BiH 1. ili na web stranici Parlamentarne skupštine Bosne i Hercegovine na adresi: www.parlament.ba.
5. Konačan datum održavanja Završne Javne rasprave će se naknadno odrediti predsjedavajući u konsultaciji sa zamjenicima cijeneći kalendar ostalih aktivnosti u Parlamentarnoj skupštini BiH.
6. U skladu sa članom 84. tačka 2 Poslovnika, kao nadležna, Ustavno-pravna komisija će imajući u vidu rezultate javne rasprave podnijeti Izvještaj Domu.

Ad. 2. Prijedlog zakona o pravima i dužnostima poslanika-delegata u PS BiH, predlagači grupa poslanika;

Nakon provedene rasprave, Ustavno-pravna komisija Predstavničkog doma je jednoglasno utvrdila sljedeće:

1. Postoji valjan ustavno-pravni osnov za donošenje Zakona o pravima i dužnostima poslanika-delegata u Parlamntjentarnoj skupštini BiH,

2. Ustavni osnov sadržan je u članu IV tačka 4. a) Ustava Bosne i Hercegovine, kako je naveo predlagač,

3. Ponuđeni tekst je usklađen sa Ustavom Bosne i Hercegovine i

4. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

Ad. 3. Ostala pitanja

Kako nije bilo drugih prijedloga za ovu tačku dnevnog reda predsjedavajući je u 13,20 časova zaključio sjednicu.

Napomena: Odlukom Kolegija sekretara Parlamentarne skupštine sjednice komisija se ne snimaju.

SEKRETAR KOMISIJE

Milan Zjajić

PREDSJEDAVAJUĆI KOMISIJE

Mirsad Ćeman